



Fasnet en Raoteburg

Glei´ noch Silvester, do isch essoweit,
send ao no d´Äcker ond d´Stroße´ verschneit.
Wenn dir a Hex´ihren Stinkbease zeigt,
no goht´slaos(no goht´slaos- no goht´slaos)
en Raoteburg (Raoteburg - Raoteburg)

Refrain:

Fasnet en Raoteburg, Fasnet en Raoteburg
desisch de scheegst uff dr Welt!
Oamohl en Raoteburg, ällweil en Raoteburg,
weil´s oam no neaneds maih g´fällt.
Do loht ma ´Sau raus, mit oder ohne Geld.

Wenn aouser Gräfin vom Rothaus´ra schreit,
dr Ahland dr Hex´ mit dr Saubloder geit,
dr Narrerot em Omzug mit Bombolen keit
isch´ssoweit (isch´ssoweit... isch´ssoweit)
en Raoteburg (Raoteburg... Raoteburg)

Refrain: Fasnet en Raoteburg...

Isch en dr Halle dr Ei´marsch vorbei
stemmet dia Leit´ mit de Laufnarre ei,
daazet ond fresset ond saufet für drei,
´s goht vorbei (´s goht vorbei)
en Raoteburg (Raoteburg...)

Refrain: Fasnet en Raoteburg...

Ond konnt no bald Aschermittwoch daher
isch mir mei Kopf vo´ de Räusch no ganz schwer,
bisi dees G´schell vo´ de´Ahland wied´ hör,
goht´s a Jahr (goht´s a Johr ...)
bloß a Johr (bloß a Johr...)

Refrain: Fasnet en Raoteburg...